

**SUB: BODO (CODE: 092)**  
**CLASS-X**  
**(April 2022-March 2023)**

**Answer Key**

| <b>Part-A: Objective Type MCQ Paper</b> |          |                                              | <b>Marks: 40</b> |
|-----------------------------------------|----------|----------------------------------------------|------------------|
| <b>सॉथि नं.</b>                         | <b>1</b> |                                              | <b>5x1=5</b>     |
|                                         | क.       | फिन: (ii) गोहोनि मोदाइ महरै                  | 1                |
|                                         | ख.       | फिन: (iii) किरात                             | 1                |
|                                         | ग.       | फिन: (iv) प्रागज्योतिषपुर                    | 1                |
|                                         | घ.       | फिन: (i) आलासि सिबिनाय                       | 1                |
|                                         | ड.       | फिन: (i) शिवखौ आर्यफोरा शक्ति महरै नाजावनाया | 1                |
| <b>सॉथि नं.</b>                         | <b>2</b> |                                              | <b>5x1=5</b>     |
|                                         | क.       | फिन: (ii) उपेन्द्र चन्द्र गुह'               | 1                |
|                                         | ख.       | फिन: (i) कचफोरखौ                             | 1                |
|                                         | ग.       | फिन: (iii) राजथावनि                          | 1                |
|                                         | घ.       | फिन: (iv) हरिटिकर                            | 1                |
|                                         | ड.       | फिन: (iii) गंसे दैमा                         | 1                |
| <b>सॉथि नं.</b>                         | <b>3</b> |                                              | <b>5x1=5</b>     |
|                                         | क.       | फिन: (i) नारखो बुदांखौ                       | 1                |
|                                         | ख.       | फिन: (ii) खुरखाव-खुरसि                       | 1                |
|                                         | ग.       | फिन: (iii) बांला हादत आरो शिवसागराव          | 1                |
|                                         | घ.       | फिन: (ii) खर'सा हारिखौ                       | 1                |
|                                         | ड.       | फिन: (iv) रंपुर                              | 1                |
| <b>सॉथि नं.</b>                         | <b>4</b> |                                              | <b>15x1=15</b>   |
|                                         | क.       | फिन: (iii) मानसि                             | 1                |
|                                         | ख.       | फिन: (ii) बेयाव                              | 1                |
|                                         | ग.       | फिन: (iv) अखाफोर                             | 1                |

|                                                                                                                                                  |    |                                                                                                   |        |
|--------------------------------------------------------------------------------------------------------------------------------------------------|----|---------------------------------------------------------------------------------------------------|--------|
|                                                                                                                                                  | घ. | फिन: (i) जाफै                                                                                     | 1      |
|                                                                                                                                                  | ड. | फिन: (iii) मोनद'                                                                                  | 1      |
|                                                                                                                                                  | च. | फिन: (ii) मोनब्रै                                                                                 | 1      |
|                                                                                                                                                  | छ. | फिन: (ii) थोरसि-लथा                                                                               | 1      |
|                                                                                                                                                  | ज. | फिन: (i) मोननो लुबैनायनि हाबिलास                                                                  | 1      |
|                                                                                                                                                  | झ. | फिन: (iv) बेसेबा गोबां एबा गिदिद गोजौ                                                             | 1      |
|                                                                                                                                                  | ञ. | फिन: (i) मिथिया हसिया                                                                             | 1      |
|                                                                                                                                                  | ट. | फिन: (iii) बुरलुंबुथुर                                                                            | 1      |
|                                                                                                                                                  | ठ. | फिन: (i) मोनसे                                                                                    | 1      |
|                                                                                                                                                  | ड. | फिन: (ii) मोनथाम                                                                                  | 1      |
|                                                                                                                                                  | ढ. | फिन: (i) -ओ                                                                                       | 1      |
|                                                                                                                                                  | ण. | फिन: (iv) -गोन                                                                                    | 1      |
| सॉथि नं                                                                                                                                          | 5  |                                                                                                   | 5x1=5  |
|                                                                                                                                                  | क. | फिन: (ii) गियाननि                                                                                 | 1      |
|                                                                                                                                                  | ख. | फिन: (iii) फुरहाब जाहाब                                                                           | 1      |
|                                                                                                                                                  | ग. | फिन: (i) कमल कुमार ब्रह्म                                                                         | 1      |
|                                                                                                                                                  | घ. | फिन: (ii) नांगोल भाडा                                                                             | 1      |
|                                                                                                                                                  | ड. | फिन: (iv) इसोरखौ                                                                                  | 1      |
| सॉथि नं                                                                                                                                          | 6  |                                                                                                   | 5x1=5  |
|                                                                                                                                                  | क. | फिन: (i) इन्द्रमालती नार्जारी                                                                     | 1      |
|                                                                                                                                                  | ख. | फिन: (iii) ड° भुपेन नार्जारी                                                                      | 1      |
|                                                                                                                                                  | ग. | फिन: (i) मोननै                                                                                    | 1      |
|                                                                                                                                                  | घ. | फिन: (ii) बांला 1267 मायथाइ                                                                       | 1      |
|                                                                                                                                                  | ड. | फिन: (iv) सर्दार बाहादुर बेलबुंराम कसारि                                                          | 1      |
| <p style="text-align: center;"><b>Part-B</b><br/> <b>Descriptive type pen paper test</b> <span style="float: right;"><b>Marks: 40</b></span></p> |    |                                                                                                   |        |
| सॉथि नं.                                                                                                                                         | 7  |                                                                                                   | 6x2=12 |
|                                                                                                                                                  | क. | फिन: खुगा थुनलाइखौ गाहायै मोननै बाहागोआव राननो हायो। बेफोर जादौ- (i) खुगा मेथाइ आरो (ii) खुगा राव | 2      |
|                                                                                                                                                  | ख. | फिन: गुरुदेब कालिचरण ब्रह्मआ बांला 1267 (इं 1860) मायथाइनि                                        | 2      |

|           |    |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                         |        |
|-----------|----|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------|
|           |    | बैसाग दाननि 5 अक्ट'खालि धुबुरी जिलानि सिडाव थानाय टिपकाइनि काजिगामियाव जोनोम जादोमोन।                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                   |        |
|           | ग. | फिन: 'जिउनि अलंबार' खन्थाइयाव खन्थाइगिरिया बिफाखौ मोजां मोननो होननानै समाय लादोमोन। नाथाय बिनि समाय लानाया दाबोनो जाफुडाखै, बिनि गोसोनिफ्राय बेरेखा फावआ बारनलाडाखै। बेफोर बाथ्रानि थाखायनो खन्थाइगिरिया सिमान लादो।                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                    | 2      |
|           | घ. | फिन: खन्थाइगिरिया गावनि आंगो गामि भबानिपुरियाव रावजोबो मोनसा-मोनसि, एना-एनि गैयालासे आलो-गोजोन रंजा-बाजा गेलेयोमोन।                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                     | 2      |
|           | ड. | फिन: तिवाफोरनि मोननैसो फोरबोफोरनि मुडा जादो- जनबिल मेला, बरत, बैसागु रंजानाय, मागो दमासि, खाति गासा, वानसुवा, छग्रा, यांली, मुइनारी बायदि बायदि।                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                        | 2      |
|           | च  | फिन: देउरिफोरा फालिबोनाय मोनब्रै फोरबोनि मुडा जादो- मागो, बैसागु (बिहु), हाबा बयु गिबा मेच्यु, बिचु दाबेबा मेच्यु।                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                      | 2      |
| सोंथि नं. | 8  |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                         | 4x4=16 |
|           | क. | <p>फिन: <b>हा फिसा हौवा दाउनि सल'</b></p> <p>दरसे गामियाव हालिसे बोराइ बुरैया सासेल' फिसा हौवा दंमोननो। फिसा हौवा सासेल' मोनजेननायखाय बिखौ जोबोर अननायमोननो। मानसिया जोबोर मावथिथारमोन। सानसेखालि न' खाथियावनो आसु फाथो फोनो होननानै हाल एवनायसै, हाथरफोरखौ बुरुबनानै जै-जाबोर, हाग्राफोरखौ सावनो होननानै ज' खालामना दोननायसै।</p> <p>हाग्रा बुथुमखा-आरिखां दसे जिरायनानै मोनाबिलि जाब्ला फाथो सेरनानि बुनथा खानानै अर लागायनानै गाव बुथुमना दोननाय हाग्राखौ फारसेनिफ्राय सावनानै होनायसैनो। हजो बिसिया दानाय-लुनायाव जोबोर मुखुबथारमोन। बैसागुवाव गानथारनांगौ बेनिखायनो मोखां सोमहाबथारदो।</p> <p>फिसाइया ओजो हाग्रा सावगासिनो उखुन्दै खुफबजासे। गावनो गावखौ नुलायलायथारि उखुन्दै खुफबदो। ओजो फिसालाया मालाबानो बिफाजो मानबायलांफानानै हाग्रा सावनाय जायगायाव सहैनायसै आरो हाग्रा सावनाय अरावसो मानबायफलांनानै खामथार जानायसै।</p> <p>बिनि उनाव गथ' खामथारजानाया अंखि अंला मोनामलाबायनायसैनो। बिसोर सानैबो सानासै दिनै मा अंखि अंला मोनामलाबायखो दालाय होनना। हाग्रा सावनायासो मोनामखो ना माखो ? थेवबो बिसोर गथ'खौ गोसोखाडा। उनाव बिफाया हाग्रा दामोलखौ अर लगायजोबनानै बहाबा थाबावबाय नामा साननानै नागिरहैब्ला गथ'खौसो खामथारजानाय</p> | 4      |

|    |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                          |                                                                                                                                                                                                                                                                                 |  |
|----|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------|--|
|    |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                          | <p>नुहैयासै। होमब्लासो दुखु खालामनानै गथ'खौ गोबाथाब गोबाथाब हा फिसा हौवा हा फिसा हौवा होननानै गाबनायसै। बेनि उनाव बिसि-फिसाइ सानैबो हा फिसा हौवा, हा फिसा हौवा होनै होनै गाबै गाबै गथ'खौ हाग्रायाव गारहैयासै आरो गावसोरबो दिखारजों दास्राय दास्राय गाबै गाबै दाउ जानायसैनो।</p> |  |
| ख. | <p>फिन: इउ. एन. एकादेमि, कक्राझार</p> <p><u>मिथिसार</u></p> <p>अक्ट': 10 अक्टबर, 2022</p> <p>बे मिथिसार बिलाइनि गेजेरजों इउ. एन. एकादेमि फरायसालिनि गासै फरायसा नोंथांमोनखौ बेखौनो मिथिहोनो मोननानै गोजोननाय मोनोदि, जोंनि फरायसालिनि बोसोरारि फोरबो (School Annual Function) खौ बोहैथि बोसोरनि 16 अक्टबरनिफ्राय 18 अक्टबरसिम सानथामनि हाबाफारि लानानै गाजा-गोमजा खुंफुंनो थि खालामनाय जादों। बे फोरबोजोंनो लोबबा लाखिनानै जायगायावनो थुनलाइयारि बादायलायनाय जेरै- रनसाइ लिरनाय, खन्थाइ लिरनाय, सुंद' सल' लिरनाय बायदि हाबाफारि लाफानाय जादों।</p> <p>बेनिखायनो गोसो गुदुं फरायसा नोंथांमोनखौ बेफोर बादायलायफोराव साफ्रोमखौबो गाजा-गोमजा बाहागो लाफैनो थाखाय आं थुनलाइयारि नेहाथारि जानानै गुरैयै खावलायहरनाय जाबाय।</p> <p>गोजोन्यौ।</p> <p>नोंथांमोननि फोथायजाथाव,</p> <p>मोनाबिलि बसुमतारि<br/>थुनलाइयारि नेहाथारि<br/>इउ. एन. एकादेमि, कक्राझार।</p> | 4                                                                                                                                                                                                                                                                               |  |
| ग. | <p>फिन: अदालगुरि जिलानि दैमुगुरि गामि। 2022 मायथाइनि 1 जानुवारि खालारखालि आं आंनि थाखोनि लोगो मुस्रि जोंसार बर'जों बिसोरनि गामि नायनो होननानै थांफादोंमोन। दैमुगुरि गामिया देरा-दुइया 50 सो नखरनि गंसे समायना गामि। बे गामियाव दैमुगुरि गुदि फरायसालि मुंनि गंसे सरखारि फरायसालि दं। बे फरायसालियावनो बे गामिनि उन्दै उन्दै गथ'फोरा फरायनो थाडो। गामियाव गंसे समायना बाथौ थानसालिबो दं। आंनि लोगो जोंसारआ खिन्थानाय बादिब्ला- बे गामिनि रायजो-राजाफोरा सानफ्रोमबो मंगलबाराव फुं आरो मोनाबिलि समाव थानसालियाव आर'ज गाबो। दैमुगुरि गामिनि सोरगिदिं समायना दुब्लि फोथारा बैखननानै दं।</p> <p>दैमुगुरि गामियाव गोबां लेखा गोरों सुबुंफोर दं। गोबाडानो साख्रि मावग्रा। साख्रि मावग्राफोरनि गेजेराव फोरोंगिरि साख्रि मावनायानो</p>                                                                                                                             | 4                                                                                                                                                                                                                                                                               |  |

|                     |                                    |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                |            |    |                            |         |                     |                                    |                                                                  |  |   |
|---------------------|------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------|----|----------------------------|---------|---------------------|------------------------------------|------------------------------------------------------------------|--|---|
|                     |                                    | <p>बांसिन। बेनि अनगायैबो साफा-सानै डक्टर, इन्जिनियार, आसाम पुलिस आरो बैकफोरावबो साखि मावनाय दं। बे गामियाव लाइमोनफोरनि मायनाव खेराइ हानजाबो दं। दोहोरोमारि फोरबोफोराव बे खेराइ हानजाया मोसाग्लानाय दिन्थिफुडो। आं बे गामियाव फैनानै आरो गोबां मोजां मोजां बाथ्राफोरखौ मिथिनानै जोबोर गोजोननाय मोनदौं।</p>                                                                                                                                                                                                                                                                                                                                                                                                                                                                                                                                                                                                                                                                                                                                                                                                      |            |    |                            |         |                     |                                    |                                                                  |  |   |
|                     | घ.                                 | <p>फिन: मुं फोरमायनाय सोदोबफोरानो मुंमा। मुंमाया नुनाय एबा मोनदांनो हानाय जिउ-जिबि आरो मुवाफोरनि मुं दिन्थियो। जेरै- मानसि, मोसौ, बिफां, हा, दै बायदि बायदि।</p> <p>मुंमाया गासै मोनद' बाहागोनि। बेफोरखौ गाहायाव सुंद' सुंद'यै बेखेवनो लानाय जाबाय-</p> <ol style="list-style-type: none"> <li>(1) फोलेर दिन्थिगा मुंमा : जाय मुंमाया फोलेर दिन्थियो बेनो फोलेर दिन्थिगा मुंमा। जेरै- मानसि, मोसौ, दैमा बायदि।</li> <li>(2) मुवा दिन्थिगा मुंमा: जाय मुंमाया मुवा एबा बेसाद दिन्थियो बेनो मुवा दिन्थिगा मुंमा। जेरै- दै, सि, हा बायदि।</li> <li>(3) मुं दिन्थिगा मुंमा: जाय मुंमाया मानिबा मुं दिन्थियो बेनो मुं दिन्थिगा मुंमा। जेरै- गुवाहाटि, गब्ला, हिमालय बायदि।</li> <li>(4) गुन दिन्थिगा मुंमा: जाय मुंमाया मोजां-गाज्जि गुन दिन्थियो बेनो गुन दिन्थिगा मुंमा। जेरै- सुखु, दुखु, सोरां, गोजा, लाइमोन बायदि।</li> <li>(5) हाबा दिन्थिगा मुंमाइ: जाय मुंमाया माबा हाबा मावनाय एबा जानाय दिन्थियो बेनो हाबा दिन्थिगा मुंमाइ। जेरै- मोसानाय, जानाय, उन्दुनाय।</li> <li>(6) जथाइ दिन्थिगा मुंमा: जाय मुंमाया जथाइ थानाय दिन्थियो बेनो जथाइ दिन्थिगा मुंमा। जेरै- हानजा, समाज, आफाद, जथुमा, राइजो।</li> </ol> | 4          |    |                            |         |                     |                                    |                                                                  |  |   |
| सौंथि नं.           | 9                                  | <p>फिन: <u>सानसेनि सानरेब</u></p> <p>मुसि बामबुला नारजारि<br/>इउ. एन. एकादेमि, अदालगुरि<br/>थाखो- जि<br/>फारि नं. 01</p> <table border="1"> <tr> <td>अक्ट/खालार</td><td>सम</td><td>खामानि/जाथाइनि<br/>फोरमायथि</td><td>खेफोरथि</td></tr> <tr> <td>10/10/2022<br/>समबार</td><td>फुंनि 4:00<br/>रिंगानिफ्राय<br/>9:00</td><td>आं फुंनि 4:00 रिंगायाव<br/>सिखारनानै मोखां सुखां-<br/>आरिखां आलारि</td><td></td></tr> </table>                                                                                                                                                                                                                                                                                                                                                                                                                                                                                                                                                                                                                                                                                     | अक्ट/खालार | सम | खामानि/जाथाइनि<br>फोरमायथि | खेफोरथि | 10/10/2022<br>समबार | फुंनि 4:00<br>रिंगानिफ्राय<br>9:00 | आं फुंनि 4:00 रिंगायाव<br>सिखारनानै मोखां सुखां-<br>आरिखां आलारि |  | 6 |
| अक्ट/खालार          | सम                                 | खामानि/जाथाइनि<br>फोरमायथि                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                     | खेफोरथि    |    |                            |         |                     |                                    |                                                                  |  |   |
| 10/10/2022<br>समबार | फुंनि 4:00<br>रिंगानिफ्राय<br>9:00 | आं फुंनि 4:00 रिंगायाव<br>सिखारनानै मोखां सुखां-<br>आरिखां आलारि                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                               |            |    |                            |         |                     |                                    |                                                                  |  |   |

|  |  |                                                                              |                                                                                                                                                                                                                                                                                                                |                                                                                                      |  |
|--|--|------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------|--|
|  |  |                                                                              | <p>रिंगासिम फोजोंना धुप सावनानै इसोरनि खाथियाव आर'ज गाबबाय। बेनि उनाव 4:30 निफ्राय 5:00 रिंगानि गेजेराव साहा लोंखानानै 7:30 रिंगासिम फरायनो जयो। बेनि उनाव दुगैसां-लोबसां ओंखाम जानानै 8:15 रिंगायाव फरायसालियाव ओंखारलाडो। 8:45 रिंगायाव फरायसालि सहैनानै लोगोफोरजों जयै फरायसालिनि आर'ज मेथाइखौ खनफाबाय।</p> |                                                                                                      |  |
|  |  | <p>9:00 रिंगानिफ्राय 3:00 रिंगासिम थाखो खथायाव हाबजेननाय निफ्राय सुथिसिम</p> | <p>दिनै गासै मोनबा आयदानि सायाव फोरोंगिरिफोरा क्लास लायो। बेनि गेजेराव बर' आयदायाव बर' थुनलाइनि सोमोन्दै रोखायै सोलोनो हाबाय। फोरोंगिरिया बिबार, अलंबार, हाथखिं-हाला लाइसिफोरनि सोमोन्दै मोजाडै आरो गुवारै फोरमायनानै होदोंमोन।</p>                                                                            | <p>बर' थुनलाइखौ जौगा होनो थाखाय जों फरायसाफोरा नो गोबां बेसेनगोसा थुनलाइ सोरजिनांगोन ।</p>           |  |
|  |  | <p>3:00 बाजिनिफ्राय हरनि उन्दुनाय 10:00 बाजिसिम</p>                          | <p>बेलासे 3:00 रिंगायाव फरायसालिनिफ्राय गनानै न'वाव 3:30 रिंगायाव सहैनानै आखाइ-आथिं सुनानै ओंखाम जानायसै। बेनि उनाव दसे जिरायनानै थाखोआव फोरोंनाय सानखान्थिखौ</p>                                                                                                                                              | <p>गेलेयोब्ला देहाया मोजां थायो, गोख्रों जायो। गेलेनानैबो जों जोंनि जिउ राहाखौ दानानै लानो हायो।</p> |  |

|          |    |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                              |  |                                                                                                                                                                                                                                                                                          |  |   |
|----------|----|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--|------------------------------------------------------------------------------------------------------------------------------------------------------------------------------------------------------------------------------------------------------------------------------------------|--|---|
|          |    |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                              |  | <p>नायफिननायसै। बेनि उनाव 4:00 रिंगायाव गामिनि फोथाराव जोलुर गेलोनो ओंखारलानायसै। मोनानि 6:00 रिंगायाव न'वाव सफैनानै दुगैसां-लोबसां साहा लोंखानानै 8:30 रिंगासिम फरायनो जनायसै। हरनि 9:00 रिंगायाव ओंखाम जाबाय। बेनि उनाव आइ-आफामोनजों दसे टि.भि. नायनानै 10:00 रिंगायाव उन्दुनायसै।</p> |  |   |
| सौथि नं. | 10 | <p>फिन: आंनि दावबायनानै मोजां मोननाय दाबसे जायगानि मुडा जादों आसामनि गुवाहाटि नोगोरमा।</p> <p>थांनाय 2021 मायथाइनि फरायसालि गोलोम बोथोर बन्दनि समाव आंनि आफा, आं आरो बिनानाव हांमा साथामजों गुवाहाटि नोगोरमाखौ नायगिदिंनो थाडो। जों फुंनि 6 रिंगायावनो ननिफ्राय गुवाहाटि नोगोरमा फारसे हान्थिलांदोंमोन। जों गिबि गिबियावनो जालुकबारियाव थानाय Dr. Bhupen Hazarika Samadhi Kshetra खौ नायहैदोंमोन। बे जायगाखौ समायना लुथाय आरो बिबार बारिजों नायथाव खालामनानै दोनदोंमोन। बे समाधि सेत्रखौ नायखानायनि उनाव जों आसामनिनो मुंदांखा आरो गोजामसिन गौहाटि मुलुगसोलोंसालिखौ नायगिदिंनैदोंमोन। बे एफा गिदिर फसंथानखौ नुनानै आं जोबोर गोजोननाय आरो फरायनो थुलुंगाखानाय मोनदोंमोन। बे मुंदांखा मुलुगसोलोंसालियाव सानसेब्लाबो फरायनो फैगोन होननानै आं गोसोआव थांखि लादोंमोन। बेनि उनाव जों लटासिलआव थानाय Guwahati Planetarium आव जौसे जौसे रांनि टिकट लानानै सिडाव हाबलांदोंमोन। 3D Screen आव बुहुम, ग्रह-ग्रहसा सोमजिनाय थामहिनबा सानखरांखौ नायनानै जोबोर गोमोहाबनाय मोनदोंमोन। बेयाव जों फ्राय घन्टासे सम बारहोदोंमोन। अब्ला समा सानजौफुनि जिनै बाजिबायमोन।</p> <p>Planetarium नायखानायनि उनाव जों Assam State Zoo Cum Botanical Garden खौ नायनो आवगायलांदोंमोन। बेयाव सहैखानायनि</p> |  |                                                                                                                                                                                                                                                                                          |  | 6 |

|  |                                                                                                                                                                                                                                                                                                                                                                                                                                                                                                                                                                                                                                                                                                                                                           |  |
|--|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--|
|  | <p>             उनाव आखाइयाव गांफा गांफा टिकट लानानै जों सिडाव हाबलांदोंमोन।<br/>             जुनारसालियाव बायदिसिना जिव-जुनार, दाउसिन-दाउला आरो बिफां-<br/>             लाइफांफोरखौ नूनो मोनदोंमोन। बेफोरखौ नायनानै जों जोबोर गोजोननाय<br/>             मोनदोंमोन। जुनारसालियाव गिदिं-गिदा नायखांनायनि उनाव जों<br/>             ओंखारबोनायसै आरो सानजौफुनि आदारखौ जुनारसालिनि लांगोनायाव<br/>             थानाय गंसे हटेलाव जानायसै। ओंखाम जांखांनायनि उनाव जों आरोबाव<br/>             खानापारायाव थानाय Science Museum खौ नाहैबावदोंमोन। सानसेनि<br/>             गेजेरावनो गुवाहाटि नोगोरमानि बिखायाव थानाय बेफोर जायगा आरो<br/>             फसंथानफोरखौ नायनो मोननाया आंनि थाखाय जोबोर गोसोखांथाव सान<br/>             जानानै थाबाय।           </p> |  |
|--|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--|